



ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ
ԱՍՏՎԱԾԱԲԱՆԱԿԱՆ ԿՐԹՈՒԹՅԱՆ ՀԱՆՁՆԱԺՈՂՈՎԻ
ՏԱՐԵԿԱՆ ՀԱՎԱՔԸ ԳԱՆԱՅՈՒՄ

Ս/թ. հուլիսի 16—19-ը Գանայում, Լեզու-
նի համալսարանի աստվածաբանական ֆա-
կուլտետում, տեղի ունեցավ Եկեղեցիների
Համաշխարհային խորհրդի (ԵՀԽ) Աստվա-
ծաբանական կրթության Հանձնաժողովի
(ԱԿՀ) տարեկան ժողովը, որին մասնակի-
ցեց նաև նույն հանձնաժողովի գործադիր
կոմիտեի անդամ, Ս. Էջմիածնի հոգևոր ձե-
մարանի տեսուչ Տ. Եվսիկ քին. Պետրոսյա-
նը:

Այս հանձնաժողովը ծնունդ է առել 1958 թ.
Միջազգային Միսիոներական խորհրդի Գա-
նայի Ասամբլեայում, «Աստվածաբանական
կրթության ֆոնդ» անունով, և մինչև 1975
թ. գործել է Լոնդոնում, հիմնականում նպա-
տակ ունենալով օգնել երրորդ աշխարհի
աստվածաբանական կրթությանը:

1975 թ. ԵՀԽ-ի Նայրոբիի Ասամբլեայում
ծրագրվեց և 1976 թ. ԵՀԽ-ի կենտրոնական
կոմիտեի տարեկան ժողովում որոշվեց, որ
«Աստվածաբանական կրթության ֆոնդ»-ը
դառնա ԵՀԽ-ի առանձին հանձնաժողով:
1977 թ. այն փոխադրվեց Ժնև և վերան-
վանվեց «Աստվածաբանական կրթության
հանձնաժողով»: Եթե նախկին «Աստվածա-
բանական կրթության ֆոնդ»-ի նպատակն էր
ֆինանսապես օգնել երրորդ աշխարհի աստ-
վածաբանական կրթության զարգացմանը,
ապա նոր՝ ԱԿՀ-ի նպատակները ավելի են
ընդլայնվում: ԱԿՀ-ի նախկին տնօրեն վե-
րապատվելի Ահարոն Սափալյանի բառերով
ասած, հանձնաժողովը «պետք է աշխատի

նորոգել բոլոր 6 աշխարհամասերի աստվա-
ծաբանական կրթությունը, այդ թվում և հյուս-
սիսային կիսագնդի»: Եվ իրապես, եթե եր-
րորդ աշխարհը կարիք ունի նյութական օգ-
նության, ապա հյուսիսային կիսագնդը
կարիք ունի երրորդ աշխարհի փորձին:

ԱԿՀ-ն այսօր ԵՀԽ-ի 4 միության 5 հանձ-
նաժողովներից մեկն է: 1983 թ. Վանկուվե-
րում գումարված 2 ասամբլեան Գ միու-
թյանը հանձնարարել է հետևյալ 4 ընդհա-
նուր ծրագրերը.

ա. Էկումենիկ ուսուցում (քրիստոնյան,
իբրև յուրաքանչյուր դավանանքի և
պատմա-մշակութային մի ուրույն մի-
ջավայրի անհատ, ինչպես՝ կարող է
միաժամանակ լինել Տիեզերական Ե-
կեղեցու անդամը):

բ. Վերանորոգում:

գ. Ավելի գործոն մասնակցություն Եկե-
ղեցու կյանքին (ոչ միայն հոգևորա-
կանները, այլ նաև աշխարհականները,
յուրաքանչյուրը ըստ իր կարողու-
թյունների):

Այս ծրագրերի իրագործման ճանապար-
հին 1985 թ. ապրիլի 14—18-ը Մեխիկոյում
ԱԿՀ-ը կազմակերպեց մի սեմինար «Աստ-
վածաբանություն ժողովրդի կողմից» թեմա-
յով, հիմնականում ուսումնասիրելու համար
Լատինական Ամերիկայի աստվածաբանա-
կան արդի ուղղությունները:

Այս տարի ԱԿՀ-ը կազմակերպեց մի այլ
սեմինար, «Ո՛ր ես գնում» ընդհանուր վեր-

նագրով, ուսումնասիրելու համար Աֆրիկայի աստվածաբանական արդի ուղղությունները և խնդիրները: Այս սեսիոնարը տեղի ունեցավ Գանայում, Լեգոնի համալսարանում, հուլիսի 20—26-ը, ԱԿՀ-ի տարեկան ժողովից անմիջապես հետո:

ԱԿՀ-ը իր տարեկան ժողովում քննարկեց հանձնաժողովի անցյալ տարվա գործունեությունը, հաստատեց Գ աշխարհի աստվածաբանական կրթությանը նախատեսված նյու-

թական օգնության նախահաշիվները և ծրագրեց հանձնաժողովի ապագա գործունեությունը:

Ապագա ծրագրերի մեջ կարևոր են Արևելյան Եվրոպայի և Լատինական Ամերիկայի եկեղեցիների աստվածաբանների հանդիպումը, որը նախատեսված է անցկացնել 1988 թվականին Արևելյան Եվրոպայում:

ԵԶՄԻԱ ՔԱՀԱՆԱ ՊԵՏՐՈՍՅԱՆ

